

ՆԱԶԱՐ.– Կամա՛ց: Ձենդ քաղաքավարի՛ հանի: Պալատ Է, ախոռ չէ, հայվա՛ն: (Ամենքին) Դե, հիմի սաղ եղե՛ք: (Մաքոյին) Իշխան Սաքո՛. դրօշակը թող:

ՍԱԶՈ.– (Դրօշակը տնկում է թախտի ծայրին:)

ՊԱԼԱՏԱԿԱՆՆԵՐ.– (Խոնարի գլուխ են տայիս ու հեռանաւ: ) Սաքոն հետեւում է նրանց Սենեկապետը հետեւում է սրան:

ՆԱԶԱՐ.– (Լաւ ընկողմանելով թախտի վրայ) Ուխիսա՛յ... Էո՛ր՝Ֆ...

ՍԵՆԵԿԱՊԵՏ.– (Ներս է մտնում մի մանկլաւիկի հետ, որ ձեռին մատուցարան ունի՝ վրան քիշմիշ: Սենեկապետը նշան է անում մանկլաւիկին, որ հրամցնի թագաւորին: Մանկլաւիկը զանազան ձեւեր է անում, սպա աջ ծունկը գետնին դնելով եւ բարձրացնելով՝ մօտենում է Նազարին եւ հրամցնում քիշմիշ:)

ՆԱԶԱՐ.– (Ապտակելով մանկլաւիկին) Ի՞նչ ես ծոմուում մեյմուկի պէս: Քիշմիշը բեր, Էլի՛:

ՍԱՆԿԼԱԿԻԿ.– (Քիշմիշը դնում է Նազարի թախտին:)

ՆԱԶԱՐ.– Ռա՛դ եղիր,

ՍԱՆԿԼԱԿԻԿ.– (Հեռանում է զանազան ձեւերով:)

ՆԱԶԱՐ.– (Սենեկապետին) Դո՛ւ ինչ տնկուեցիր իշի պէս:

ՍԵՆԵԿԱՊԵՏ.– Պատկերդ գեղեցկութեան, երեսհարթդ այսօր դեռ լուացուումս ու օծումս չի ընդունել արքայաբար:

ՆԱԶԱՐ.– Ի՞նչ

ՍԵՆԵԿԱՊԵՏ.– Արդեօք վարդաշրո՞վ հաճելի կլինի թարմացնել երեսհարթդ, ստուեր արեգական, թէ այլ բուրաւից թարմաշունչերով:

ՆԱԶԱՐ.– Չհասկացանք:

ՍԵՆԵԿԱՊԵՏ.– Ձիւն մաքրութեան, այսօր դեռ չես լուացուել:

ՆԱԶԱՐ.– Ի՞նչ հօրս ցաւն է եղ ամեն օր լուացուելը: Ծովաքա՞ր եմ, թէ լուացքի տաշտ: Չի լինի որ չլուացուեմ:

ՍԵՆԵԿԱՊԵՏ.– Կարգ է թագաւորաց: Գանձարան օրինապահութեան:

ՆԱԶԱՐ.– Իշի կարգ: Ամեն օր լուացուի, հա՛ լուացուի:

ՍԵՆԵԿԱՊԵՏ.– Կբարեհաճե՞իր անցնել լողարանի օթեակը: Ձայն աւետեաց:

ՆԱԶԱՐ.– Ի՞նչ, բաղնի՛ս:

ՍԵՆԵԿԱՊԵՏ.– Այո, տէր իմ, բաղնիս:

ՆԱԶԱՐ.– Երեսսրբիչը թրջի, բեր, թող վերջանա գնա: Ո՞վ գլուխ ունի տեղից վեր կենալու: